

«ТАСДИҚЛАНГАН»

Акциядорлик тижорат «Алоқабанк»

Кузатув кенгаши Раиси



Ш.Х.Шерматов

2024 йил 27 июнь

«РЎЙХАТДАН ЎТКАЗИЛГАН»

Ўзбекистон Республикаси

Истиқболли лойиҳалар миллий агентлиги

Директорнинг биринчи ўринбосари

В.Ю.Пак

2024 йил "21" август Р0021-28 - сон

М.Ў.

АКЦИЯДОРЛИК ТИЖОРАТ «АЛОҚАБАНК» АКЦИЯЛАР ЯНГИ ЧИҚАРИЛИШИ ТЎҒРИСИДАГИ ҚАРОРИ

Идентификация рақами берилди оддий:

R	U	1	2	8	P	0	0	2	1	R	6
R	U	2	2	8	P	0	0	2	1	R	4

Идентификация рақами берилди имтиёзли:

Эгасининг номи ёзилган ҳужжатсиз шаклдаги, номинал қиймати **1** (бир) сўм булган **1 189 065 847 233** (бир триллион бир юз саксон тўққиз миллиард олтимиш беш миллион саккиз юз қирқ етти минг икки юз ўттиз уч) дона оддий ва **2 178 000 000** (икки миллиард бир юз етмиш саккиз миллион) дона имтиёзли акциялардан иборат жами **1 191 243 847 233** (бир триллион бир юз тўқсон бир миллиард икки юз қирқ уч миллион саккиз юз қирқ етти минг икки юз ўттиз уч) дона акциялар

Ушбу чиқарилишдаги акциялар айирбошлаш йўли билан ёпиқ обуна орқали жойлаштирилади

Акцияларнинг ушбу чиқарилиши **йигирма саккизинчи** чиқарилишдир.

АТ «Алоқабанк» акциядорлар умумий йиғилишининг 2024 йил 27 июндаги 3-сонли қарори билан акциялар чиқарилиши тўғрисида қарор тасдиқланган.

АТ «Алоқабанк» акциядорлар умумий йиғилишининг 2024 йил 27 июндаги 3-сонли қарори билан акциялар чиқарилиши тўғрисида қарор қилинган.

Эмитентнинг жойлашган жойи, почта манзили, мулоқот телефонлари ва электрон почта манзили: **100164, Тошкент шаҳри, Мирзо Улуғбек тумани, Навниҳол МФЙ, Тепамасжид кўчаси, 4-уй.** Тел.: **71-230-77-77, 71-232-83-67,** Электрон почта манзили: **info@aloqabank.uz**

АТ «Алоқабанк»
Бошқарув Раиси в.б.



К. Ирисбекова

Бош бухгалтер:

О. Курбонов

2024 йил 27 июнь

М.Ў.

1. Ушбу чиқарилишдаги эгасининг номи ёзилган акциялар тури (оддий ёки имтиёзли): **Оддий ва имтиёзли акциялар.**

2. Ушбу акциялар чиқарилишининг шакли: **Хужжатсиз шаклда.**

3. Ушбу чиқарилишдаги акцияларнинг номинал қиймати (сўм): **1 сўм.**

4. Ушбу чиқарилишдаги акцияларнинг сони (дона) – **1 191 243 847 233** (бир триллион бир юз тўқсон бир миллиард икки юз қирқ уч миллион саккиз юз қирқ етти минг икки юз ўттиз уч) **дона**, шундан:

- эгасининг номи ёзилган хужжатсиз оддий акция – **1 189 065 847 233** (бир триллион бир юз саксон тўққиз миллиард олтмиш беш миллион саккиз юз қирқ етти минг икки юз ўттиз уч) **дона**;

- эгасининг номи ёзилган хужжатсиз имтиёзли акция – **2 178 000 000** (икки миллиард бир юз етмиш саккиз миллион) **дона.**

5. Ушбу чиқарилишнинг умумий ҳажми (сўм): **1 191 243 847 233** (бир триллион бир юз тўқсон бир миллиард икки юз қирқ уч миллион саккиз юз қирқ етти минг икки юз ўттиз уч) **сўм.**

6. Ушбу чиқарилишдаги акциялар эгаларининг ҳуқуқлари:

Банк оддий акцияларининг эгаси қуйидаги ҳуқуқларга эга:

- акциядорлар реестрига киритилиш ва ўзи ҳақида депо ҳисобварағидан кўчирма олиш;

- банк фойдасининг бир қисмини дивидендлар тарзида олиш ва уни эркин тасарруф этиш;

- акциядорларнинг умумий йиғилишида овоз бериш орқали банкни бошқаришда иштирок этиш;

- банкнинг молия-ҳўжалик фаолияти натижалари тўғрисида тўлиқ ва ишончли ахборотни белгиланган тартибда олиш;

- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат ноижорат ташкилотларига бирлашиш;

- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш;

- акциядорларнинг умумий йиғилишида ўз вакили орқали иштирок этиш, ўз вакилини исталган вақтда алмаштириш ёки унда шахсан иштирок этиш;

- банк тугатилган тақдирда ўзларига тегишли улушга мос равишда мол-мулкнинг бир қисмини олиш;

- ўзига етказилган зарарнинг ўрни қопланишини белгиланган тартибда талаб қилиш;

- Ўзбекистон Республикасининг амалдаги қонун ҳужжатлари ва банк Устави билан белгиланган бошқа ҳуқуқлар.

Банк имтиёзли акцияларининг эгаси қуйидаги ҳуқуқларга эга:

- акциядорлар реестрига киритилиш ва ўзи ҳақида депо ҳисобварағидан кўчирма олиш;

- банк фойдасининг бир қисмини дивидендлар тарзида олиш ва уни эркин тасарруф этиш;

- банкнинг молия-ҳўжалик фаолияти натижалари тўғрисида тўлиқ ва ишончли ахборотни белгиланган тартибда олиш;

- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат ноижорат ташкилотларига бирлашиш;

- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш;
- банк тугатилган тақдирда ўзларига тегишли улушга мос равишда мол-мулкнинг бир қисмини олиш;
- ўзига етказилган зарарнинг ўрни қопланишини белгиланган тартибда талаб қилиш;
- Ўзбекистон Республикасининг амалдаги қонун ҳужжатлари ва банк Устави билан белгиланган бошқа ҳуқуқлар.

Банкнинг имтиёзли акцияларининг эгалари бўлмиш акциядорлар, умумий йиғилишида қуйидаги масалалар бўйича овоз бериш ҳуқуқига эга бўладилар:

- банкни тугатиш, қайта ташкил этиш (қўшиб юбориш, қўшиб олиш, бўлиш, ажратиб чиқариш, ўзгартириш) тўғрисидаги масалалар кўрилганда.
- имтиёзли акциялар бўйича тўланадиган дивидендлар миқдорини камайтириш масалалари кўрилганда.

7. Ушбу чиқарилишдаги акцияларнинг олинишига нисбатан жамият уставидаги ва (ёки) чиқарилиш тўғрисидаги қарордаги ҳар қандай чеклашлар: **Ушбу чиқарилишдаги акцияларнинг жойлаштиришга нисбатан банк уставида ҳеч қандай чеклашлар мавжуд эмас. Ушбу акциялар чиқариш тўғрисидаги қарорга асосан ушбу чиқарилишдаги акциялар банк акциядорлари ўртасида ёпиқ обуна усулида жойлаштирилади ва бунда аввал жойлаштирилган акцияларни майдалаш йўли билан 1 (бир) дона акциянинг номинал қиймати 121 (бир юз йигирма бир) сўмдан 1 (бир) сўмга ўзгариши натижасида худди шу турдаги 121 (бир юз йигирма бир) дона акцияларга айирбошланади.**

8. Жамият устав капиталининг миқдори (сўм): **1 191 243 847 233 (бир триллион бир юз тўқсон бир миллиард икки юз қирқ уч миллион саккиз юз қирқ етти минг икки юз ўттиз уч) сўм.**

9. Илгари жойлаштирилган акциялар сони (турлари бўйича тақсимланган ҳолда кўрсатилади): **9 844 990 473 дона, шундан:**

- **ҳужжатсиз шаклдаги эгасининг номи ёзилган оддий акция – 9 826 990 473 дона;**
- **ҳужжатсиз шаклдаги эгасининг номи ёзилган имтиёзли акция – 18 000 000 дона.**

10. Илгари жойлаштирилган корпоратив облигациялар сони (турлари ва кўринишлари бўйича тақсимланган ҳолда кўрсатилади): **Банк томонидан ҳужжатсиз шаклдаги эгасининг номи ёзилган номинал қиймати 100 000 сўм бўлган 120 000 дона фоизли корпоратив облигациялар жойлаштирилган. Шу жумладан:**

- **2010 йилнинг 22 июлида эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-рақам билан давлат рўйхатига олинган. Ушбу облигациялар сўндириш муддати келганлиги сабабли Қимматли қоғозлар бозорини мувофиқлаштириш ва ривожлантириш Марказининг 2015 йил 18 сентябрдаги 15-07/169-сонли қарорига асосан сўндирилган.**

- **2011 йилнинг 4 ноябрида эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-2-рақам билан давлат рўйхатига олинган. Ушбу облигациялар сўндириш муддати келганлиги сабабли Қимматли қоғозлар бозорини мувофиқлаштириш ва ривожлантириш Марказининг 2016 йил 18 декабрдаги 15-07/055-сонли қарорига асосан сўндирилган.**

- **2012 йилнинг 5 ноябрида эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-3-рақам билан давлат рўйхатига олинган. Ушбу облигациялар**

сўндириш муддати келганлиги сабабли Қимматли қоғозлар бозорини мувофиқлаштириш ва ривожлантириш Марказининг 2017 йил 18 декабрдаги 15-07/034-сонли қарорига асосан сўндирилган.

- 2013 йилнинг 26 мартда эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-4-рақам билан давлат рўйхатига олинган. Ушбу облигациялар сўндириш муддати келганлиги сабабли Қимматли қоғозлар бозорини мувофиқлаштириш ва ривожлантириш Марказининг 2016 йил 7 сентябрдаги 15-07/040-сонли қарорига асосан сўндирилган.

11. Ушбу чиқарилишдаги акциялар жойлаштирилишининг шартлари ва тартиби.

11.1. Ушбу чиқарилишдаги акциялар жойлаштирилишининг усули (очиқ ёки ёпиқ обуна):

(Ёпиқ обуна бўлган тақдирда, шунингдек акцияларни потенциал олувчилар доираси ҳам кўрсатилади).

Ушбу чиқарилишдаги акциялар давлат рўйхатидан ўтказилган кундан бошлаб биринчи кун ҳолатига шакллантирилган акциядорлар реестрида кўрсатилган банк акциядорлари ўртасида ёпиқ обуна усулида жойлаштирилади ва бунда аввал жойлаштирилган акцияларни майдалаш йўли билан 1 (бир) дона акциянинг номинал қиймати 121 (бир юз йигирма бир) сўмдан 1 (бир) сўмга ўзгариши натижасида худди шу турдаги 121 (бир юз йигирма бир) дона акцияларга айирбошланади. Ушбу чиқарилишдаги акциялар банк акциядорлари ўртасида улар эгалик қилаётган акцияларга мутаносиб равишда жойлаштирилади.

11.2. Ушбу чиқарилишдаги акциялар жойлаштирилишининг муддати:

(Кўрсатилади: акцияларни жойлаштиришни бошлаш санаси ва тугатиш санаси ёки акцияларни жойлаштириш муддатини белгилаш тартиби).

Агар акцияларни жойлаштириш муддати акцияларнинг чиқарилиши тўғрисидаги бирон-бир ахборотни ошкор қилиш санасини кўрсатган ҳолда белгиланса, шунингдек бундай ахборотни ошкор қилиш тартиби ҳам кўрсатилади).

Ушбу чиқарилишдаги акциялар давлат рўйхатидан ўтказилган кундан бошлаб 10 (ўн) календар кун давомида жойлаштирилади.

Акцияларни жойлаштиришни бошлаш санаси – **Мазкур акцияларнинг чиқарилиши давлат рўйхатидан ўтказилган кундан бошлаб биринчи кун.** Агар акцияларни жойлаштиришнинг бошланиш санаси дам олиш кунига тўғри келса, бу ҳолда акцияларни жойлаштиришнинг бошланиш санаси ушбу кунлардан кейинги биринчи иш кунига кўчирилади.

Акцияларни жойлаштиришни тугатиш санаси – **Мазкур акцияларнинг чиқарилиши давлат рўйхатидан ўтказилган кундан бошлаб 10 (ўн) календар кун, агарда жойлаштириш муддати тугагунга қадар мазкур чиқарилишдаги акциялар жойлаштирилганда жойлаштиришни тугатиш санаси ушбу акцияларни жойлаштириш якунланган сана ҳисобланади.**

11.3. Ушбу чиқарилишдаги акциялар жойлаштирилишининг тартиби:

(Кўрсатилади: акциялар жойлаштирилишининг боришида фуқаролик-ҳуқуқий битимлар тузилишининг тартиби ва шартлари, жойлаштириш амалга ошириладиган бозорлар).

Агар эмитент томонидан акцияларни жойлаштириш эмитентга акцияларни жойлаштириш бўйича хизматлар кўрсатувчи қимматли қоғозлар бозори профессионал иштирокчиларини (андеррайтерлар) жалб қилиш билан амалга оширилса, ҳар бир бундай шахс юзасидан қўшимча равишда қуйидагилар кўрсатилади:

тўлиқ ва қисқартирилган фирма номлари, жойлашган жойи;

профессионал фаолиятни амалга оширишга доир лицензиянинг рақами, берилган санаси ва амал қилиш муддати, кўрсатилган лицензияни берган орган;

ушбу шахснинг асосий вазифалари, агарда эмитент ва унга қимматли қоғозларни жойлаштириш бўйича хизматлар кўрсатувчи шахс ўртасидаги шартномада шу каби шартнома билан белгиланган муддатларда жойлаштирилмаган акцияларни охиригиси томонидан ўз

ҳисобидан олинishi назарда тутилган бўлса, шунингдек ушбу муддат ва уни белгилаш тартиби).

Ушбу чиқарилишдаги акцияларни жойлаштириш илгари жойлаштирилган акцияларни майдалаш йўли билан амалга оширилади ва натижада номинал қиймати 121 (бир юз йигирма бир) сўм бўлган 1 (бир) дона акциянинг номинал қиймати 1 (бир) сўм бўлган худди шу турдаги 121 (бир юз йигирма бир) дона акцияларга айирбошланади (1/121 нисбатда).

Ушбу чиқарилишдаги акцияларни жойлаштириш бўйича андеррайтерлар жалб қилинмайди ва ҳар қандай битимларни тузиш талаб қилинмайди.

11.4. Қимматли қоғозлар марказий депозитарийси ва қимматли қоғозларга бўлган ҳуқуқларни ҳисобга олишни амалга оширувчи инвестиция воситачисининг ташкилий-ҳуқуқий шаклини ўз ичига олган тўлиқ фирма номи, жойлашган жойи, почта манзили, телефони:

Қимматли қоғозлар Марказий депозитарий тўғрисида маълумот:

номи – “Қимматли қоғозларнинг Марказий депозитарийси” акциядорлик жамияти;

жойлашган жойи ва почта манзили – 100170, Тошкент шаҳри, Мирзо-Улуғбек тумани, Мустақиллик шоҳкўчаси, 107-уй; телефон: 71-267-37-42; расмий веб-сайт: www.uzcsd.uz, электрон почта манзили: info@uzcsd.uz,

«DEPO INVEST TRAST» масъулияти чекланган жамияти:

Жойлашган жойи ва почта манзили: 100000, Тошкент шаҳри, Осиё кўчаси, 6-уй, 87-хонадон; телефон: 78-150-39-53; факс: 78-150-39-53; расмий веб-сайт: www.depindra.uz; электрон почта манзили: depindra@mail.ru.

11.5. Ушбу чиқарилишдаги жойлаштирилаётган акцияларни олишга бўлган имтиёзли ҳуқуқни амалга ошириш тартиби:

(Жойлаштирилаётган акцияларни олишга бўлган имтиёзли ҳуқуқ тақдим этилган тақдирда қуйидагилар кўрсатилади:

бундай имтиёзли ҳуқуққа эга шахсларнинг рўйхати тузилган сана (санани белгилаш тартиби);

жойлаштирилаётган акцияларни олишга бўлган имтиёзли ҳуқуқни амалга ошириш эҳтимоли тўғрисида билдириш тартиби;

жойлаштирилаётган акцияларни олишга бўлган имтиёзли ҳуқуқни амалга ошириш тартиби.).

Банк акцияларини имтиёзли сотиб олиш ҳуқуқи қўлланилмайди.

11.6. Ушбу чиқарилишдаги акциялар баҳоси (баҳолари) ёки жойлаштириш баҳосини белгилаш тартиби:

(акциялар баҳоси (баҳолари) ёки жойлаштириш баҳосини белгилаш тартиби кўрсатилади.

Агар акцияларни жойлаштиришда акцияларни олишга бўлган имтиёзли ҳуқуқ тақдим этилса, қўшимча равишда бундай имтиёзли ҳуқуққа эга шахсларга баҳо ёки жойлаштириш баҳосини белгилаш тартиби кўрсатилади.).

Ушбу чиқарилишдаги акциялар 1 (бир) сўмдан жойлаштирилади.

11.7. Акцияларни тўлаш шартлари ва тартиби:

(Акцияларни тўлаш шартлари, тартиби, шу жумладан ҳисоб-китобларнинг шакли, кредит ташкилотларининг тўлиқ ва қисқартирилган фирма номлари, уларнинг жойлашган жойи, акциялар тўланишига келиб тушадиган пул воситалари кўчирилиши лозим бўлган ҳисобварақларнинг банк реквизитлари, тўлов шохобчаларининг манзили (нақд пул шаклида тўланганда).)

Акциялар пул бўлмаган воситалар билан тўланган тақдирда акциялар тўланиши мумкин бўлган мол-мулк, тўлов шартлари бундай тўлов шароитида расмийлаштириладиган ҳужжатлар (мол-мулкни қабул қилиш-топшириш далолатномаси ва ҳоказо) билан, шунингдек бундай мол-мулкнинг бозор қийматини аниқлаш учун жалб қилинадиган баҳоловчи (баҳоловчилар) тўғрисидаги қуйидаги маълумотлар кўрсатилади:

баҳоловчининг тўлиқ ва қисқартирилган фирма номлари, жойлашган жойи;

баҳолаш фаолиятини амалга оширишга доир лицензиянинг рақами, берилган санаси ва лицензиянинг амал қилиш муддати, кўрсатилган лицензияни берган орган.).

Ушбу акциялар чиқарилиши илгари жойлаштирилган акцияларни айирбошлаш орқали майдалаш йўли билан амалга оширилганлиги сабабли акцияларни тўлаш шартлари ва тартиби белгиланмаган.

11.8. Ушбу акциялар чиқарилиши амалга ошмаган деб топилган тақдирда эмитент томонидан акциялар тўлови сифатида олинган воситаларни қайтариш тартиби: **Ушбу чиқарилишдаги акциялар умумий сонининг юз фоиздан кам қисми жойлаштирилган тақдирда амалга ошмаган деб эътироф этилади.** Ушбу акциялар чиқарилиши амалга ошмаган деб топилганда жамият томонидан акциялар тўлови сифатида олинган маблағларни қайтарилиши кўзда тутилмайди.

12. Эмитент томонидан қимматли қоғозлар чиқарилиши (қўшимча чиқарилиши) тўғрисидаги ахборотни Ўзбекистон Республикаси қонун ҳужжатларига мувофиқ ошкор қилиш тартиби:

Акциялар чиқарилиши тўғрисидаги қарорнинг асл нусхаси ва нусхалари билан Тошкент шаҳри, Мирзо Улуғбек тумани, Навнихол МФЙ, Тепамасжид кўчаси, 4-уйда жойлашган АТ “Алоқабанк”нинг Бош офисида танишиш мумкин.

Акциялар чиқарилиши давлат рўйхатидан ўтказилганлиги тўғрисидаги ошкор этилиши лозим бўлган маълумотлар акциялар чиқарилиши давлат рўйхатидан ўтказилганидан сўнг ўрнатилган муддатда Корпоратив Ахборот ягона порталида (www.openinfo.uz), «Тошкент» Республика фонд биржасининг расмий веб-сайтида (www.uzse.uz) эълон қилинади, ҳамда АТ “Алоқабанк”нинг интернетдаги саҳифасига жойлаштирилади. Саҳифа манзили: www.aloqabank.uz.

13. Бошқа маълумотлар. **Кўзда тутилмаган.**